



## Bibia por mituns

<i>domegna</i>	<i>letōra</i>	<i>Bibia por mituns</i>
<b>23.03.</b>	1. letōra	Èsod 3, 1–8a.13–15 Mosé tla tera de Midian, pl. 68 Mosé ciafa na enciaria, pl. 68



## Vita de ploania y de paisc

- **Sontada dal consei de ploania en vendres ai 21 de merz** ales 19:30 te Ciasa dles Uniuns: Lois Taibon porta dant i cunc, program dles messes y funziuns cina de iuli, Ere Sant, festa dles ciampanes, sopoltōres.
- **Le KVV d'La Pli** met da jí en “**Balé tal certl**”, sontí ligreza y se divertí con le balé tal certl y line dance (10 encuntades da 1,5 ores) con Giovanna Moling prōma encuntada **ai 19 de merz** ales 15:00 te palestra. Te n'atmosfera ligherzina y con musiga plajora vegnel alené la memoria, la conzentrasiun y la coordinasiun. Ví ince tō y envieia zacai da gní empara. Enformaziuns y prenotaziuns pa Barbara Willeit, ☎ 347 9941857.
- **Le KVV** envieia ala 55<sup>a</sup> encuntada dai vedui, vedoes y porsones sores en domegna, **ai 23 de merz** ales 10:00 a Porsenú tl'Academia Cusanus: messa con le Regens dal Seminar sig Markus Moling. Dedô referat de Charly Brunner: “Ein gutes Leben für alle”, y marena deboriada. Deplü enformaziuns y prenotaziuns cina ai 19 de merz pa Rosa de Scionele, ☎ 345 3384551.



## Enformaziuns dl'Unité Pastorala Val Badia

**Pissies sō Oies:** vigne vendres de Carsema, dales 16:30 ales 18:00, vegnel dé la poscibilitá de se pissié tla dljia de Oies: 21.3. con don Marco Veghini, 28.3. con P. Franz Senfter, 04.4. con don Marco Veghini y ai 11.4. con signor Klaus Sottsas.  
**En vendres ai 21 de merz** vegnel ince tegní ales 20:00 na **funziun penitenziala**.

**Ann Sant 2025:** pa les manifestaziuns por l'Ann Sant él preodü da tegní te nosta diozeja **en vendres ai 28 de merz** na “**Oraziun dles 24 ores**”. L'Unité Pastorala ten porchel en chel de **ores d'adoraziun tla dljia da Oies**, arjinades dales 12 ploanies do cōsc orar:  
00:00 – 02:00 La Ila, 02:00 – 04:00 Badia, 04:00 – 06:00 San Ciascian,  
06:00 – 08:00 La Val, **08:00 – 10:00 La Pli**, 10:00 – 12:00 Rina,  
12:00 – 14:00 Antermeia, 14:00 – 16:00 Lungiarü, 16:00 – 18:00 Al Plan,  
18:00 – 20:00 San Martin, 20:00 – 22:00 Colfosch, 22:00 – 24:00 Corvara.

**Dõt le bun a:**

Jep Trebo	* 16.03.1933
Maria Vittoria Ellemunter Schenk, <i>Santa Cristina</i>	* 18.03.1932
Thomas Rubatscher	* 18.03.1944
Anna Kier Erlacher	* 19.03.1938
Maria Gabriella Willeit Rindler	* 22.03.1933

y a düc chi co á santennom y complesc i agn cōst'edema

**Impressum:** Ploania d'La Pli; redaziun Franz Rigo, Roman Frontull, Manuela Runggaldier  
**Comunicaziuns:** cina le **dedemesaledema** sera a Franz Rigo, ☎ 347 2310129 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



# Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ [klsottsas@rolmail.net](mailto:klsottsas@rolmail.net)

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann C

16.03.2025 - Secunda domegna de Carsema

n. 16

## Fora dal nio lominus aldîn la usc dal Pere: Cösc é mio Fi bunorü; ascutedele!

(*aclamaziun dan le Vangelo*)

📖 **Gen 15, 5–12.17–18 | Fil 3, 17 – 4,1 | Lc 9, 28b–36**

*Nosta sozieté pluralistica se pita trec modei de vita. Tal tomp de Carsema sunse enviés da ti ciaré al model de vita che la parora de Dio se met dant y da vire do i valurs cristiagn. Ábram é en ejompl por nos: al crei ci che Chel Bel Dio ti á empormotü al ascuta y olga a Chel Bel Dio y le Signur ti l'á tegní cunt con iustizia (1<sup>a</sup> letōra). San Paul spliga tla letera ai Filipesc la defaronzia de n model de vita cristiana y n model nia cristian. Al scrí: "... ma les cosses de cösc monn á tal ce, mo nosta patria é tal ci." (2<sup>a</sup> letōra). Le Vangelo nes envieia da nia ti meter averda a tan de usc encer nos ia, mo da ascuté sō la parora de Dio co dij che Gejú é nosc maester, a d'el desson ti meter averda, sōa parora val por dagnora.*

### Dal Vangelo do San Lúca:

Te chel tomp<sup>28b</sup> Gejú tut Pire, Jan y laco sōn na pert y é jü empara sōn na munt a perié.<sup>29</sup>Y dertan ch'al periá, s'á müdé l'aspet de so müs, y so quant é diventé blanch lominus.<sup>30</sup>Te n iade baiâ dui ei empara. Al ea Mosé y Elía;<sup>31</sup>ai ea aparís te n lominus raiont y baiâ de sōa fin, co dea s'ademplí a lerúsalem.<sup>32</sup>Pire y sü compagns ea gnüs coüs dal som, mo ai s'â endespré y odea Gejú te n lominus raiont y i dui ei co ea dlungia d'el.<sup>33</sup>Canche chisc dui orea s'an jí demez da d'el, á Pire dit a Gejú: Maester, al é bun ch'i sun atló. I orun fá sō trei üces, òna por te, òna por Mosé y òna por Elía. Mo al ne sâ nia ci ch'al dijea.<sup>34</sup>Ciamó dertan ch'al baiâ, él gnü n nio y i á curí con sōa ombria. Ai ea roés ete tal nio y se temeá.<sup>35</sup>Y dal nio scraia na usc: Cösc é mio Fi prelité, ascutedele!<sup>36</sup>Mo do che la usc â zedü, ea Gejú endô su. I discepui scutâ y ne ti cuntâ en chi dis a degügn ci ch'ai â odü.



**I orun fá sō trei üces,  
òna por te, òna por Mosé  
y òna por Elía**

*Lc 9, 33*

📖 *Letōres dla Terza domegna de Carsema:*

**Es 3, 1–8a.13–15 | 1 Cor 10, 1–6.10–12 | Lc 13, 1–9**

## Edema liturgica dai 16.03. ai 23.03.2025

<b>DOM 16.</b>	<b>Secunda domegna de Carsema</b>	<i>Heribert da Köln, Hilarius</i>
<b>08:15</b>	<b>gran messa</b> por dōta la ploania s.m. por vis y †† dal Cargá s.m. por † Genoveffa Ellemunter ved. Rigo, Matlogn s.m. por †† Jan y Valeria Ellecosta, Gogn	<b>oferta por la ploania</b>
10:00	<i>gran messa a Al Plan</i>	
<b>Lön 17.</b>	<i>Gertrud, Patrick</i>	
→ 19:00	<b>s.m. en onú de Sant Ojep</b> por l'Uniun dai Ei s.m. por † Jep Rindler, Nichele s.m. por † Jan Ellemunter, dal Pinter s.m. por †† da Biei defora	♫ <i>grup dal cor</i>
<b>Ded 18.</b>	<i>Ziril da Ierúsalem, Eduard</i>	
07:30	<i>s.m. a Antermeia</i>	
<b>Dem 19.</b>	<b>GRAN FESTA DE SANT OJEP OM DE SANTA MARIA</b> , festa dai peri	
<b>Jöb 20.</b>	<i>Irmgard, Claudia</i>	
07:30	<i>s.m. a Rina</i>	
<b>Ven 21.</b>	<i>Christian, Benedet, Emilie</i>	
07:30	<i>s.m. a Al Plan</i>	
→ 19:00	<b>funziun de Carsema (Uniun dles Eres)</b>	
<b>Sab 22.</b>	<i>Lea, beat Clemens August, Elmar</i>	
<b>07:30</b>	<b>s.m.</b> do entenziun de Paola Palfrader y por †† de Pre s.m. por †† Franz y Teresa Taibon, dal Bas s.m. por † Angelo Taibon, Gran Ciasa	
18:00	<i>s.m. prefestia a Al Plan</i>	
<b>DOM 23.</b>	<b>Terza domegna de Carsema</b>	<i>Turibio Mongrovejo, Rebeca</i>
	<b>De dla solidarieté</b>	
<b>08:15</b>	<b>gran messa</b> por dōta la ploania → <b>oferta por le patronat ACLI KVW</b> s.m. de rengraziamont dla fam. Egon y Silvia Trebo, Bolser s.m. d'aniversar por † Linda Promberger Trebo, Bolser	
10:00	<i>gran messa a Al Plan</i>	
<i>ministronc:</i>	<ul style="list-style-type: none"> <li>• <b>lönesc y sabeda:</b> Ines y Sara T.</li> <li>• <b>domegna:</b> Sandra y Philipp, Elias y Matteo</li> </ul>	



**Encorajé dal ejempl de Sant'Ojep, alzé sö y renforzé dala Parora de Dio, ói proé da chirí mio tru. Desco Sant'Ojep ói ince iu sté con entrami i pisc ia por tera, vire con semplicité y umilté, y mo damané ci co cunta veramonter tla vita da vignedé. I ó ester davert ala cherdada de Chel Bel Dio y vire mia vita tla ligreza por El.**



## „Camminiamo insieme nella speranza“ (3)

In terzo luogo, compiamo questo cammino insieme nella speranza di una promessa. La speranza che non delude (cfr Rm 5,5), messaggio centrale del Giubileo, sia per noi l'orizzonte del cammino quaresimale verso la vittoria pasquale. Come ci ha insegnato nell'Enciclica Spe salvi il Papa Benedetto XVI: «l'essere umano ha bisogno dell'amore incondizionato. Ha bisogno di quella certezza che gli fa dire: "Né morte né vita, né angeli né principati, né presente né avvenire, né potenze, né altezze né profondità, né alcun'altra creatura potrà mai separarci dall'amore di Dio, che è in Cristo Gesù, nostro Signore" ( Rm 8,38-39)». Gesù, nostro amore e nostra speranza, è risorto e vive e regna glorioso. La morte è stata trasformata in vittoria e qui sta la fede e la grande speranza dei cristiani: nella risurrezione di Cristo!


Ecco la terza chiamata alla conversione: quella della speranza, della fiducia in Dio e nella sua grande promessa, la vita eterna. Dobbiamo chiederci: ho in me la convinzione che Dio perdona i miei peccati? Oppure mi comporto come se potessi salvarmi da solo? Aspiro alla salvezza e invoco l'aiuto di Dio per accoglierla? Vivo concretamente la speranza che mi aiuta a leggere gli eventi della storia e mi spinge all'impegno per la giustizia, alla fraternità, alla cura della casa comune, facendo in modo che nessuno sia lasciato indietro? *Papa Francesco, Messaggio per la Quaresima 2025*



## Con la Sacra Scritōra tres la Carsema (2)

Ábram ciafa na vijita, Génesi 18

Ö = Ö, Ü = Ü



1. Ábram ea sonté dan söa tenda; danló gnêl adalersch ... ei. 2. Ábram i salüdâ y dijea: "Sontesse jö y palsede y ... val' denant co jí ennant!" 3. Spo jêl te tenda ete da Sara y dijea: "Arjigna na pasta y fá en bun ...!" 4. Spo jêl a tó ia en ... por sü ghesc. 5. Do ch'ai â mangé dijei a Ábram: "Tōa fomena Sara ciafará te en ann en ..." 6. Danló capia Ábram che co ea gnü a le ciafé: ... enstes, acompagné da sü angeli. 7. Canche ai piâ endō ia dijea Chel Bel Dio a Ábram: "I ó jí tles ciütés de Sódoma y ..., deache enló él la jont co ne m'ascuta nia plü." 8. Danló dijea Ábram: "Te n'oraras mino ... la ciüté de Sódoma!" 9. Chel Bel Dio á dit: "Sc'i nen ciafi enló ... co m'olga, n'ói nia la desdrü!" 10. Y Ábram damaná danö: "Y sc'al nen é ma ... demanco?" 11. Ennultima dijea Chel Bel Dio: "I ne la desdrüji gnanca sce al nen é ma ...!" 12. Spo s'an jea Chel Bel Dio y Ábram jea zoruch te söa ...